

Jaurlaritza eta EGUNKARIAREN arteko elkarrizketak 'impasse-an'

«Elkarrizketek ez dute aurrera egingo aurrekontuen eztabaidan zer gertatzen den ikusi arte»

Inpasse batean sartu dira Eusko Jaurlaritzaren eta EUSKALDUNON EGUNKARIAREN arteko elkarrizketak. EUSKALDUNON EGUNKARIAREN izenean elkarrizketa hauetan jardun duen batzorde negoziatzaileak premiazko ohar bat idatzi du Kultura Sailarekin atzo izandako laugarren bileraren ondoren.

DONOSTIA

Martin Ugalde, Joan Mari Torealdai eta Iñaki Uriak osatutako batzordeak beharrezko ikusi du EUSKALDUNON EGUNKARIAREN irakurle, akziodun, laguntzaile eta herritar orori elkarrizketen egoeraren berri adieraztea.

«Jaurlaritzaren eta EGUNKARIAREN proposamen ezberdinak mahai gainean jarri eta aurrera egiteko orduan, Kultura Saileko ordezkarien aldetik ez dugu ikusi Eusko Legebiltzarrak urriaren 8an hartutako erabakiaren izpirituarekin aurrera egiteko moduko jarrerarik» diote EUSKALDUNON EGUNKARIAREN arduradunek.

«EUSKALDUNON EGUNKARIAK egindako proposamenen argi eta garbi agertu da arazoak errazenetik zailenera konpontzen joateko borondatea eta disposizioa. Metodologikoki eta kronologikoki ezinbesteko iruditu zaigu aurrena gairik erraznak konpontzea punturik zailenetan adostasuna lortu ahal izateko. Horrela ikusiko lituzke EGUNKARIAK Publizitate Institutuzionalaren normalizazioa eta 1994eko Aurrekontuetan EUSKALDUNON EGUNKARIAREN urteko defizita estaltzeko adinako diru partida bat agertzea. Eta oraingoz, 1994eko Aurrekontuen erredazioan eta aurkeztu zaizkion zuzenketetan ez dugu ikusi Eusko Jaurlaritza osatzen duten alderdien aldetik EGUNKARIARENTZAKO inolako diru partidarik» dio EGUNKARIAREN batzorde negoziatzaileak argitara emandako oharra.

Batzorde horren arabera, elkarrizketek ez dute aurrera egingo «Eusko Legebiltzarrean zer gertatzen den ikusi bitartean». 1992ko Aurrekontuen erreferentzia agertu dute EGUNKARIAREN arduradunek, orduan elkarrizketa mantendu baitzuen Kultura sailburuak aurrekontuen eztabaida pasatu artean, ondoren, sortutako espektatiba guztiak zapuzteko.

«EUSKALDUNON EGUNKARIA prest dago, orain artean bezala,



Jendetzak agertu zion EGUNKARIARI bere sostengua igandeko Donostiako jaian.

GILLENEA

Elkarrizketak 'impasse-an'

Jaurlaritzako Kultura Saileko arduradunekin laugarren aldiz bildu ondoren, Jaurlaritzaren eta EGUNKARIAREN arteko elkarrizketak *inpasse* batean sartu direla adierazi nahi diogu EGUNKARIAREN irakurle, akziodun eta, laguntzaile orori.

Jaurlaritzaren eta EGUNKARIAREN proposamen ezberdinak mahai gainean jarri eta aurrera egiteko orduan, ez dugu Kultura Saileko ordezkarien aldetik ikusi Eusko Legebiltzarrak urriaren 8an hartutako erabakiaren izpirituarekin aurrera egiteko moduko jarrerarik.

EGUNKARIAK egindako proposamenen argi eta garbi

agertu da arazoak errazenetik zailenera konpontzen joateko borondatea. Metodologikoki eta kronologikoki ezinbesteko iruditu zaigu aurrena gairik erraznak konpontzea punturik zailenetan adostasuna lortu ahal izateko. Horrela ikusiko lituzke EGUNKARIAK Publizitate Institutuzionalaren normalizazioa eta 1994eko Aurrekontuetan EGUNKARIAREN urteko defizita estaltze adinako diru partida bat agertzea. Eta oraingoz, 1994eko Aurrekontuen erredakzioan, eta aurkeztu zaizkion zuzenketa ezberdinetan, ez dugu ikusi Eusko Jaurlaritza osatzen duten alderdien

aldetik EGUNKARIARENTZAKO inolako diru partidarik.

Egoera honetan, Eusko Legebiltzarrean 1994eko Aurrekontuen eztabaida aurrera doala, eta 1992ko Aurrekontuetan EGUNKARIARI buruz hitz egin zena gogoan, elkarrizketek ez dute aurrera egingo Legebiltzarrean zer gertatzen den ikusi bitartean.

EUSKALDUNON EGUNKARIA prest dago, orain artean bezala, Eusko Jaurlaritzarekin elkarrizketan aurrera egiteko. Baina beti ere elkarrizketa horrek akordioa bilatzen baldin badu eta EGUNKARIAREN Oinarritzko Ezaugarriak gordetzen baditu.

Eusko Jaurlaritzarekin elkarrizketan aurrera egiteko. Baina beti ere elkarrizketa horrek akordioa bilatzen baldin badu eta EGUNKARIAREN Oinarritzko Ezaugarriak gordetzen baditu» esanez amaitzen da batzorde honen oharra.

EGUNKARIA-Z EZTABAIDA LEGEBILTZARREAN

1994eko EAEko aurrekontuen eztabaidan gaur eztabaidatuko dira EUEK EGUNKARIA dela eta, egindako bi zuzenketak. Zuzenketa horietako batean 50 milioi pezetako dirulaguntza eskatu du EUEK EGUNKARIARENTZAT «gairia baita Legebiltzarrak hartutako erabakiak eta alderdiek erakutsitako borondateak islada parlamentarioa izan dezaten».

Bigarren zuzenketa batean hamar milioiren arabera publikizitate instituzionala eskatzen du EUEK EGUNKARIARENTZAT.

EAEko hiriburu eta taxi eta autobusak ez dira garestituko

GASTEIZ

Gasteiz, Bilbo eta Donostiako autobusen txartelen prezioak datorren aurtean bere horretan mantentzea erabaki zuen aho batez Euskadiko Prezioen Batzordeak atzo Gasteizen egindako bileran. Halaber ez dute igoerarik izango Bilbo eta Donostiako taxiak, Eusko Trenbideak-en zerbitzuek, Artxandako funikularrak, eta Zaldibar zein Txingudiko ur mankomunitateak.

Datorren urterako udalek egindako prezioen tarifa berrien txostenak aztertu ondoren aho batez hartu zuen igoerarik ez onartzeko erabakia Euskadiko Prezioen Batzordeak, Eusko

Jaurlaritzako Komertzio, Kontsumo eta Turismo Sailak emandako informazioaren arabera. «Soldatei eusteko politikiari elkartasuna» adierazi beharra dela eta hartutako erabakia izan dela azaldu zuten. «Doikuntza ekonomikoa dela eta ahalmen txikiak naudenak aurtengoak baino prezio handiagoa jarri gero izango lituzketen kalteak izan ez ditza» hartu dute neurria.

Eusko Jaurlaritzako Barne Komertzio zuzendaria buru duela sindikatuen ordezkariak, kontsumitzaileen elkarteak, eta Jaurlaritzako Garraio, Ekonomia, Lehendakaritza, eta Komertzio sailek osatzen dute prezioen batzordea.

Egunero 106.000 entzule ditu Euskadi Irratiak

DONOSTIA

Egunero batez beste ehun mila entzuletik gora ditu euskara hutsez emititzen duen Euskadi Irratiak, joan den azaroan CIES etxeak egindako neurketak erakutsi duenez. Euskadi Irratiak berak atzo emandako informazioaren arabera, 119.000 entzule dituzte astegunetan batez beste, eta horren erdia baino zerbait gehixeago larunbat zein igandeetan, 66.000 eta 61.000 hurrenez hurren. Ondorioz, astean batez beste 106.000 entzule ditu Euskadi Irratiak.

Entzule kopuru handiena Gipuzkoan du 53.000. Bizkaian 39.000 dituzte, hiru mila Araban eta 11.000 Nafarroan. Entzulego euskaldunaren % 60 Euskadi Irratiaren egunero entzule dela azaldu du CIESen ikerketak.

Bestetik, EITB taldeko irati programazio konbentzionaleko hiru emisorek, Euskadi Irratiak, Radio Euskadik eta Gasteiz Irratiak, berrehun mila entzuleko maila gainditu dute lehenengo aldiz.

'Egin-etik' bota zuten kazetariak akordioa lortu du enpresarekin

T.SATRUSTEGI / IRUÑEA

'Egin' egunkariako Iruñeko delegazioan bost langilek salaketa bat jarri zuten enpresaren kontra, honek hauen protesten ondorioz «errepresaliak» hartu zituelako. Bost langile hauetatik bik lanean segitzen dute, eta horietako baten kontrako epaiketa eguna jadanik jarrita dago, urtarilean hain zuzen. Beste hirurek dagoeneko enpresarekin konponketa bat lortu dute eta kanpoan daude. Atzo egitekoa zen Joseba Ibarrola kazetariak jarritako demanda aztertzeako epaiketa. Azkenean, ordea, ordu erdi bateko eztabaidaren ostean, enpresak eta langileak akordio bat lortu zuten eta epaiketa bertan behera geratu zen.

Hasiera batean, Orain enpresak 800.000 pezeta eskaini zituen, «enpresaren egoera ekonomikoa oso larria da eta langileek gutxi kobratzen dute» eta, azaldu zuten. Azkenean 1.100.000 pezeta eskaini zizkieten langileari.